

Na osnovu člana 40. Statuta Udruženja "Freelance" u BiH, Skupština Udruženja na sjednici održanoj dana 20.03.2021.godine u Sarajevu, donosi

ODLUKU O IZMJENAMA/DOPUNAMA STATUTA

Član 1.

Ovom odlukom usvajaju se izmjene i dopune člana 13, člana 14, člana 15, člana 19, člana 20, i člana 27. Statuta u dijelovima V, VI, i VII a koji se odnose na članstvo u Udruženju, odgovornosti članova te na rad Skupštine.

Član 2.

Član 13. Statuta Udruženja se dopunjava, tako da sad glasi:

Osnivači Udruženja su ujedno i članovi Udruženja koji svojstvo člana stiču danom upisa u Registar udruženja.

Članovi Udruženja su fizička lica, sadašnji i bivši državljani Bosne i Hercegovine kao i strani državljani koji imaju odobren boravak u Bosni i Hercegovini, a koja prihvate Statut, programske ciljeve i djelatnosti Udruženja. Da bi postali članovi Udruženja, lica sa stranim državljanstvom trebaju priložiti kopiju pasoša i dozvolu za boravak u Bosni i Hercegovini. Ukoliko lice porijeklom iz BiH ima stalni boravak u inostranstvu, nema bh. pasoš, a želi da bude član Udruženja, isto treba priložiti skeniranu kopiju pasoša ili nekog drugog identifikacionog dokumenta izdatog od strane nadležnog organa u zemlji boravka.

Članovi mogu biti i pravna lica koja su registrovana u Bosni i Hercegovini, a koja u svojoj djelatnosti imaju vezu sa freelancingom, koji prihvate Statut i ciljeve Udruženja, a koji učestvuju u radu Udruženja preko svojih predstavnika.

Član Udruženja može biti svaka osoba koja redovno plaća članarinu, djeluje u pravcu zadanih ciljeva i djelatnosti Udruženja, pridržava se odluka i zaključaka predsjednika/ice Udruženja i Skupštine Udruženja.

Članovi se dobrovoljno i slobodno udružuju u Udruženje radi ostvarivanja zajedničkog interesa u skladu sa ciljevima definisanim Statutom Udruženja.

Član 3.

Član 14. Statuta Udruženja se dopunjava, tako da sad glasi:

Odluku o prijemu u stalno ili pridruženo članstvo donosi komisija formirana u skladu sa članom 33. Statuta Udruženja i prema pravilima koje reguliše Pravilnik o članstvu u Udruženju "Freelance" u BiH (UFUBIH), a odluku o proglašenju počasnih članova donosi Skupština Udruženja.

Članovi Udruženja mogu biti:

- *Stalni članovi*
- *Pridruženi članovi*
- *Počasni članovi*

Član 4.

Član 15. Statuta udruženja se mijenja te glasi:

***Stalni članovi** su fizička i pravna lica iz člana 13. Statuta Udruženja, koja su stekla svojstvo člana Udruženja. Za stupanje u stalno članstvo podnosi se pristupnica na propisanom obrascu. Primljeni član se upisuje u evidenciju članstva. Da bi postali dio Udruženja, potencijalni stalni članovi moraju priložiti dokaznu dokumentaciju koja potvrđuje da se bave ovom vrstom posla. Dokazna dokumentacija može uključivati CV, portfolio, LinkedIn profil, profil sa neke druge društvene ili freelancing stranice npr. UpWork, ili lista klijenata kako bi se Udruženje moglo uvjeriti u istinitost podataka.*

U slučaju da se radi o stranom državljaninu, ili o bivšem BH državljaninu, da bi isti posato članom Udruženja u dokaznu dokumentaciju obavezno ulazi i skenirana kopija nekog identifikacionog dokumenta (pasoš, lična i slično).

Stalno članstvo podrazumijeva dvije kategorije članova:

ACTIVIST članstvo

Aktivist može biti svako fizičko lice koje trenutno radi kao freelancer i ispunjava uslove učlanjivanja za stalno članstvo.

Ovo članstvo je otvoreno za sve članove koji se aktivno zalažu za ostvarivanje zajedničkih interesa i ciljeva Udruženja, svojim posvećenim i odgovornim radom u radnoj grupi Udruženja i u skladu sa Statutom.

Ovo članstvo je otvoreno i za sve ostale kategorije članstva koji žele postati aktivni članovi. O statusu prelaska u kategoriju Aktivist, odlučuje komisija za članstvo iz člana 14. Statuta Udruženja, nakon isteka mjesec dana rada novog člana u radnoj grupi Udruženja.

Aktivnost u smislu ovog Statuta, a koju će analizirati komisija za članstvo, podrazumijeva sljedeće parametre:

- Kvalitet rada (Udruženje prioritizira kvalitet rada i inicijativnosti članova te je glavni čimbenik aktivnosti upravo temeljitost u obavljanju zadataka)
- Prisustvo na sastancima radne grupe (ili više njih) u čijem radu član učestvuje
- Produktivnost (koliko je član od pomoći radnoj grupi, ali i aktivnostima Udruženja)
- Efikasnost i poštivanje zadatih rokova (uspješnost našeg rada zavisi od blagovremenog obavljanja zadataka)

- Sposobnost za timski rad
- Komunikativnost

Ukoliko Aktivist član prestane ispunjavati svoje obaveze, a koje su u sklopu ove vrste članstva, Udruženja ima pravo da delegira istog u Relax članstvo. Prelazak u Relax članstvo može se izvršiti i odlukom samog člana. Isti član može ponovo postati Aktivist prilikom obnove svoje članarine, ne prije.

Relax članstvo

Relax član može biti svako fizičko lice koje trenutno radi kao freelancer i ispunjava uslove učlanjivanja za stalno članstvo.

Relax član ima pravo glasa u kreiranju Inicijativa Udruženja, ali je potpuno rasterećen obaveze učešća u radu Skupštine i bilo kakvog aktivizma, osim ako za to sam ne iskaže interes.

Ovo članstvo je otvoreno za sve članove koji bi se pridružili Udruženju, koji žele da podržavaju aktivnosti i rad Udruženja, ali ne žele da se aktivno zalažu za ostvarivanje zajedničkih interesa i ciljeva Udruženja. Relax članovi plaćaju punu cijenu godišnje članarine.

***Pridruženi članovi** (SIMPA članstvo) su fizička i pravna lica koja podržavaju viziju, misiju i ciljeve za koje se Udruženje zalaže. Pridruženi članovi mogu biti svi zainteresovani za freelancing, svi budući i svi bivši freelanceri. Pridruženi članovi nisu članovi Skupštine Udruženja. Za stupanje u pridruženo članstvo podnosi se pristupnica na propisanom obrascu, ali bez dokazne dokumentacije. Primljeni član se upisuje u evidenciju članstva.*

***Počasni član** može postati fizička i pravna osoba, koja pokaže značajne rezultate u realizaciji ciljeva i aktivnosti Udruženja. Počasni član može imati pravo glasa u Skupštini Udruženja, ukoliko mu Skupština to pravo i dodijeli.*

Udruženje vodi spisak svih svojih članova i evidenciju svih članova Udruženja u elektronskoj formi ili na drugi odgovarajući način i sadrži: ime i prezime, odnosno naziv člana Udruženja sa adresom prebivališta, odnosno sjedišta; datum pristupanja; vrstu članstva i datum prestanak članstva.

Popis članova udruženja mora biti dostupan na uvid nadležnim organima na njihov zahtjev.

Član 5.

Član 19 Statuta Udruženja se dopunjava te glasi:

Prava svih stalnih članova Udruženja su:

- *Da daju prijedloge, mišljenja i sugestije*
- *Da prate rad Udruženja i pokreću Inicijative za rješavanje pitanja od interesa za rad Udruženja*
- *Da budu redovno informisani o radu i rezultatima rada Udruženja, te o aktuelnostima iz svijeta freelancinga u BiH i šire, putem emaila i/ili web stranice Udruženja*
- *Da u zaštiti svojih prava koristi pomoć Udruženja*

Uz gore navedeno, prava ACTIVIST članova Udruženja su:

- *ACTIVIST član je član Skupštine, sa punim pravom glasa u radu Skupštine.*
- *Mogućnost da bira organe Udruženja i da u njih bude biran/a.*
- *Mogućnost profesionalnog i ličnog razvoja kroz rad, poslovne edukacije, i umrežavanje sa ljudima na pozicijama na svim nivoima vlasti i u privredi u BiH*
- *Pristup svim informacijama i temama na kojima Udruženje radi, putem web stranice*
- *Pristup svim kanalima Udruženja za informisanje članova (Facebook grupa, forum)*
- *Pristup svim beneficijama koje Udruženje nudi preko svojih partnera*
- *Besplatan pristup svim edukacijama koje organizuje Udruženje*
- *Besplatan pristup svim događajima koje organizuje Udruženje*
- *50% popusta na cijenu godišnje članarine*

Uz gore navedeno, prava RELAX članova Udruženja su:

- *RELAX član je član Skupštine, ali nije obavezan da učestvuje u njenom radu niti njegovo odsustvo utiče na formiranje kvoruma i donošenje odluka Skupštine. Ukoliko želi može da se uključi u rad Skupštine i tada ima puno pravo glasa u radu Skupštine (bez umanjenje iznosa već uplaćene Relaks članarine).*
- *Ukoliko aktivno učestvuje u radu Skupštine, ima mogućnost da bira organe Udruženja i da u njih bude biran/a.*
- *Pristup svim kanalima Udruženja za informisanje članova (Facebook grupa, forum)*
- *Pristup svim beneficijama koje Udruženje nudi preko svojih partnera*
- *50% popusta za pristup edukacijama koje organizuje Udruženje*
- *Besplatan pristup svim događajima koje organizuje Udruženje*
- *Puna cijena godišnje članarine*

Prava SIMPA članova Udruženja su:

- *Pristup informacijama o freelance radu iz Baze znanja na web stranici Udruženja*
- *Pristup informacijama o temama na kojima Udruženje radi, putem objava aktivnosti na web stranici Udruženja*
- *20% popusta za učešće na svim edukacijama koje organizuje Udruženje*
- *Besplatan pristup svim događajima koje organizuje Udruženje*
- *Ukoliko se u bilo kojem momentu ispune uslovi za stalno članstvo, mogućnost apliciranja za isto*
- *Pristup potencijalnim klijentima*
- *Pristup beneficijama koje Udruženje nudi preko svojih partnera*
- *75% popusta na cijenu godišnje članarine*

Član 6.

U članu 20. Statuta Udruženja dopunjava se uvodna rečenica tako da glasi:

“Dužnosti članova Udruženja su da u skladu sa kategorijom članstva kojoj pripadaju:”.

Ostatak teksta ovog člana ostaje nepromijenjen.

Član 7.

U članu 27. uvodna rečenica "Skupština radi i odlučuje u skladu sa Statutom i Poslovnikom o radu, a kvorum je nadpolovična većina svih članova Skupštine Udruženja" se mijenja, te glasi:

"Skupština radi i odlučuje u skladu sa Statutom i Poslovnikom o radu. *Kvorum čine članovi Skupštine koji se okupe u skladu sa Poslovnikom o radu Skupštine član 11.*"

Ostatak teksta ovog člana ostaje isti.

Član 8.

Ostale odredbe Statuta Udruženja ostaju nepromijenjene.

Član 9.

Ova odluka stupa na snagu danom donošenja.

Broj: 02/21

Datum: 20.03.2021godine



PREDSJEDNIK SKUPŠTINE UDRUŽENJA

Amer Skrobo